



Broj: 04-40-1-190/25
Sarajevo, 10.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 09.07.2025. do 08:30 sati 10.07.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 manjih intervencija: dva izlaska na lice mjesta po dojavi da se u stanu pojavio dim i osam obezbjeđenja na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 09.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Stanje nepromjenjeno – vizuelno isto kao predhodnih dana. Obilaskom lokaliteta klizišta, vizuelnim pregledom je ustanovljeno da iz tri pravca podnožja deponije Knjeginjac izviru manji potoci, koji uslijed trenutnih padavina imaju povećan kapacitet vode. Svi tokovi se ulijevaju u drenažni kanal. Takođe, uočeno je da se dodatna količina vode slijeva sa ceste koja vodi prema Trebavicu, niz prokopani put koji prolazi kroz područje klizišta. Na lokalitetu igrališta vidljivo je stvaranje manjih plavnih površina, odnosno zadržavanje vode u formi lokvi. U donjem dijelu klizišta, neposredno ispod igrališta, tlo je konstantno vlažno i blatnjava, a prisutna je i blaga erozija, odnosno osipanje zemljine mase. Nasuprot tome, iznad prvih objekata koji se nalaze odmah ispod igrališta, gdje se nalazi kanal za odvodnju oborinskih voda, trenutno nije vidljivo prisustvo vode. Na dijelu iznad rasadnika zabilježen je pojačan protok vode iz drenažnog kanala, što ukazuje na aktivne površinske i podzemne tokove u toj zoni.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na deponiji Knjeginjac nisu zabilježene značajne promjene u proteklom periodu. Obilaskom lokaliteta deponije Knjeginjac utvrđeno je da su uslijed trenutnih padavina vidljive veće količine površinske vode. U rigolu iznad ceste zabilježena je pojava vode, dok su u donjem dijelu deponije uočene plavne površine koje su inače konstantno prisutne, ali su trenutno značajno proširene i u većem kapacitetu. Takođe, primijećena je erozija na samoj deponiji u vidu osipanja zemljane mase niz padinu, što dodatno ukazuje na aktivne procese degradacije terena.

Ocjena rizika: Slijeganje deponijskog materijala i erozija uslijed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Degradacija: Nisu evidentirane nove degradacije, niti su poduzete aktivnosti na uklanjanju postojećih prepreka.

Prilikom obilaska Bistričkog potoka, zabilježen je manji protok vode uslijed trenutnih padavina. Uprkos smanjenoj količini vode, protok je nesmetan na dionici od mosta na Boguševcu do Latinske ćuprije – korito je čisto i bez prepreka koje bi ometale protok. Međutim, u dijelu iznad mosta, na lokalitetu koji pripada općini Istočni Stari Grad, i dalje su prisutna oborena stabla i veće stijene u samom koritu potoka. Navedeni materijal nalazi se neposredno ispod objekta u izgradnji Trebević Hills i predstavlja potencijalnu opasnost po nesmetan protok vode, posebno u slučaju većih padavina. Također je preporučljivo nastaviti s redovnim monitoringom tog područja.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze na dan, 09.07.2025 godine, prikazana je slijedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 09.07.2025. godine	Broj prijavljenih slučajeva Leptospiroza po općinama						
	Novi Grad	Centar	Ilidža	Stari Grad	Novo Sarajevo	Ilijaš	Vogošća
110	76	10	9	6	7	1	1

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 89%, barometarski pritisak 944,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Radi provođenja mjera bezbjednog održavanja fudbalske utakmice, večeras od 18:00 do 23:00 sata obustavit će se saobraćaj u ulicama Bulevar Ivica Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Čemerlića) i Topal Osman paše (od raskrsnice sa ulicom Kemala Kapetanovića do raskrsnice sa ulicom Bulevar Ivica Osima).

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Zbog održavanja manifestacije, do 10.08.2025. godine u vremenu od 18:00 do 23:00 sata obustavljat će se saobraćaj u Hadžićima (u ulicama Hadželi i Zlatnih ljiljana).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a